



Sedert 1858

HUIS MCFARLANE
HOOFSTRAAT 416, PAARL
POSBUS 281, PAARL, 7620
TELEFOON : 021 872 3870
FAKS : 021-8727585
ontvangs@gimkoshuise.co.za



Liewe graad 8-ouer van Huis McFarlane

Mag 2018 vir u en u dogter 'n wonderlike nuwe ervaring in die hoërskool wees en ook in hul nuwe tuiste, Huis Mac. Ek sien uit om 'n mooi pad te stap en nuwe verhoudinge te bou met u en u dogter. Ek en my span wil hulle baie tuis en spesiaal laat voel in Huis Mac.

Hieronder 'n paar sake wat u solank gedurende die vakansie met u dogter kan bespreek. Aangesien dit vir elkeen van die dogters 'n nuwe tuiste is, is dit belangrik dat hul die koshuisroetine sal begryp om onsekerheid uit die weg te ruim.

Ontmoet ons graad 12-mentor, Carla Lourens om tesame met die HK spesiaal om te sien na ons graad 8-dogters in Huis Mac.

Ek sal saam met haar omsien na hul welstand; ek onderneem ook om hul vir die eerste twee weke te besorg by die aktiwiteite van die graad 8-groep.



- ❖ Neem vrymoedigheid om enige tyd met my te skakel indien u dit nodig sou ag.
- ❖ Ondersteun ons gebruike en metodes van dissiplinering en die handhawing van orde. Ons sal nie oorreageer en op hol raak met onbenullighede nie.
- ❖ Moenie bekommerd wees oor die sogenaamde verwelkomingspraktyke nie. Ek sal dit persoonlik monitor.
- ❖ Die ondersteuningspersoneel sal die volgende wees: ek, mev. Chrissie Kemp – koshuis ondersteuning en dienspersoneel: Mevv. Surindi Lombard, Lize Nortier, Anso Smith en Amanda van der Merwe.
- ❖ Dit mag soms gebeur dat u voel dat u kind as gevolg van omstandighede deur 'n ander kind (bv. kamermaat) benadeel word. Dit is u reg om so te voel; my versoek is net dat u nie self daardie kind sal nader en die saak probeer oplos nie. Ken eerder vir my in die saak en ons sal dit hanteer, met terugvoering aan u indien nodig.
- ❖ Dit gebeur dat die kinders tydens vakansies al hul waardevolle items uit hul kamers moet ontruim. Kennisgewing in dié verband sal vroegtydig deurgegee word.
- ❖ U Sondagskoolreëlins moet asseblief baie duidelik wees indien van toepassing.
- ❖ Indien u dogter oor die naweek by die huis sou siek raak of om enige ander rede later as Maandagoggend terugkeer na die koshuis na afloop van die naweek, wil ek u asb. versoek om die kantoor - ontvangs@gimkoshuise.co.za - daarvan te verwittig.
- ❖ Indien u dogter in die week by die koshuis sou siek raak, sal ons u dadelik daarvan verwittig. U het dan die keuse om self u dogter te kom haal en dokter toe te neem OF ons sal haar by 'n mediese dokter besorg. U sal verstaan dat indien u kind 'n aansteeklike siekte onder lede

het en word op mediese aanbeveling vir 'n paar dae afgeboek, dit beter sal wees vir haar en al die ander inwoners dat sy tuis of elders sal aansterk.

- ❖ Ek wil u versoek om besoeke aan u dogter se kamer tot die minimum te beperk. Op Sondag 14 Januarie 2018 vergesel beide ouers hul kinders op die eerste dag van "inboek" na hul kamers.
- ❖ Klaar asseblief bel-, sms- en WhatsApp-tye met u kind uit, sodat hulle nie in ongemaklike situasies sal beland nie, soos bv. gedurende etens-, stilte-, en studietye en na ligte-uit. Selfone is 'n kopseer indien dit op verkeerde tye gebruik word.
- ❖ Moedig u kind aan om stiptelik op klokke te reageer, te alle tye konsidererend teenoor ander op te tree, nie luidrugtig te wees nie, nie wasgoed in die vensters te hang nie, netheid en ordelikheid redelik voorop te stel. (Klomp klein jakkalsies)

VERLAAT VAN KOSHUIS GEDURENDE DIE WEEK:

- Vanweë die groot ontwrigting wat veroorsaak word deur ouers wat hul kinders op enige weksdag sonder verlof uit die koshuis neem, word hierdie gebruik ten sterkste ontmoedig. Reël dit betyds met my persoonlik of via die kantoor. (mev. Marieta Dyason by ontvangs)
 - Die Superintendente, Hoof, Koshuishoof of Beheerliggaam aanvaar geen verantwoordelikheid vir enige leerder wat die koshuis sonder verlof verlaat nie.
 - Die kinders moet asseblief nie gedurende die week partytjies van maats in die dorp of elders wil bywoon nie. Ons laat dit nie toe nie, al gee die ouers toestemming daarvoor.
 - Indien u kind of enige ander familielid verjaar is u welkom om u dogter vir die aand uit te neem . Ek versoek u net om dit asb. betyds met my te reël. U kind sal egter nie toegelaat word om 'n maat wat 'n inwoner van die koshuis is saam te neem nie.
 - Ons wil u versoek om asseblief ons hande tydens studie-, etens- en stiltetye te sterk deur nie u kind gedurende hierdie tye in die koshuis te besoek of uit te neem nie. Hierdie reëling geld omdat dit net kan bydra tot 'n losse dissipline in die koshuis as 'n geheel. Indien dit in die hoogste uitsondering moet plaasvind, MOET die diensdoenende onderwyser hierin geken word.
- ❖ Vir ons kinders se veiligheid en kontrole daarvoor, MOET die VOLWASSENE wat haar van die terrein verwyder of terugbring gedurende die week of naweek asseblief in die voorportaal UIT- EN INTEKEN. Daar sal te alle tye 'n lêer in die voorportaal beskikbaar wees. GEEN leerder mag vir hierdie doel hom-/haarself in- en uitteken nie.
 - ❖ Nadat u kind na afloop van 'n naweek by die koshuis afgelaai is moet sy asseblief by die koshuis bly (Bv. Op 'n Sondagmiddag)
Tref hierdie reëling baie duidelik met u kind, want dit is vir ons belangrik om te alle tye te weet waar ons leerders hulself bevind.
 - ❖ Die koshuis se deure sluit op 'n Sondagand om 21:00. Ek wil u dus versoek om u kind na afloop van 'n naweek voor bogenoemde tyd te kom aflaai.
 - ❖ Die kinders mag na 'n naweek ook op 'n Maandagoggend by die koshuis afgelaai word. Leerders moet dan reeds in volle skooldrag geklee wees.

- ❖ Tydens tuisnaweke (2 per kwartaal) moet leerders nie later as 17:00 die Vrydagmiddag by die koshuis afgehaal word nie. Op hierdie dae sluit die skool reeds om 13:00. Op Sondagmiddae van tuisnaweke sal die koshuis weer vanaf 13:00 tot 21:00 oop wees sodat leerders kan terugkeer. Op die Vrydagmiddag en Sondagand van 'n tuisnaweke sal daar geen etes deur die koshuis aan inwoners verskaf word nie.
- ❖ Leerders word toegelaat om op Dinsdagmiddae en Vrydagmiddae dorp toe te gaan. Ek wil vra dat hul slegs hierdie middae vir die doel sal gebruik en nie met versoeke kom om op 'n ander weekdag die dorp te besoek nie. (Kinders moet leer om te beplan)
- ❖ Geen warmkomberse, staafverwarmers, dompelkokers en ketels word toegelaat nie.
- ❖ Ons verskaf 'n yskas, mikrogolf en 'n ketel in elke gang vir die gerief van ons leerders.
- ❖ Twee waaiers, 1 klankstelsel en een blaasverwarmer word per kamer toegelaat. Die vleuel se kamers is reeds voorsien van 'n asbes muurverwarmer.
- ❖ Wasgoed : Maak baie seker alles is deeglik gemerk. Ek sal die prosedure van wasgoed ingee en terugontvangs volledig met u kind bespreek. Aangeheg sal u 'n lys van wasgoednommers vir die doel vind
- ❖ Kinders moet asseblief minstens drie goeie slotte hê en die sleutels soos goud bewaar. Een gemerkte stel sleutels aan 'n houer moet asb. by mev Chrissie Kemp ingegee word vir bewaring op Sondag 14 Januarie. Die kinders verloor soms hul sleutels of sluit dit per ongeluk in hul kaste toe, dan het ons 'n spaarsleutel en hoef die slot nie geknip te word nie. Mev Chrissie Kemp sluit hierdie spaarsleutels op 'n veilige plek toe.

NAWEEKREËLINGS:

- Hierdie is tradisioneel een van die moeilik bestuurbare aspekte van 'n koshuis. Ek wil dit baie graag probleemvry bestuur en hou die volgende model aan u voor. Dink solank gedurende die vakansie daaraan.
- U kind mag elke naweek uitteken. Waarin ons belangstel is waarheen – ouerhuis of elders?

KATEGORIE A

- Indien u kind na sy ouerhuis gaan is geen toestemming van u kant af nodig nie.

KATEGORIE B

- Indien u kind na **enige ander plek** as haar ouerhuis gaan (**selfs tuisnaweke**) is u **toestemming** nodig **voor Donderdag om 13:00**. Dit moet asseblief skriftelik per faks of e-pos wees na die koshuiskantoor. Ek wil ook sterk aanbeveel dat u minstens telefonies in verbinding tree met u kind se gasouers om die naweekreëlings te bevestig alvorens u toestemming gee.
- In beide kategorieë A en B hierbo wil ek weereens beklemtoon dat die VOLWASSENE wat u dogter vir die naweek kom haal/terugbring, asseblief haar in die voorportaal sal uit- en inteken. **Die opname by die kinders oor hul naweekreëlings word Woensdagaande gedoen en ek wil versoek dat u kind reeds dan sal weet waarheen sy gaan.**
- Dit is **u dogter se keuse** of sy op 'n Vrydagmiddag by die koshuis wil eet (opname Woensdagaand voor die naweek) Indien daar aangedui is dat sy daar wil eet sal daar

verwag word dat u kind die ete moet bywoon. Maak dus seker hiervan; dit skakel onnodige vermorsing uit. U sal ook verstaan dat u kind eers na afloop van die ete uit die eetsaal verskoon sal word en ons nie kan toelaat dat kinders een-een verdaag om saam met ouers te gaan wat haastig is nie.

BELANGRIK!!!

- **Alle graad 8's van Huis McFarlane van 2018, moet op Sondag 14 Januarie 2018 tussen 11:00 en 14:00 in Huis McFarlane se voorportaal aanmeld vir die afhandeling van administratiewe reëlings. Die koshuis is geleë agter die skoolgebou. Tydens die geleentheid sal koshuisgangers reeds in kamers ingedeel word en kan hulle hul items (bv. skooltas, skoolklere, ens.) wat hulle NIE tydens die graad 8-kamp gaan gebruik nie in hul kaste toesluit.**
- **U is verantwoordelik om daarna u dogter om 16:00 by die Carel Redelinghuys Sentrum(net langs ons skoolgebou) te besorg vir die graad 8-kamp.**
- **Alle Gr. 8 ouers en leerders (koshuis en dorp) sal dan in die Carel Redelinghuys Sentrum toegesprek word.**
- **Na afloop van bogenoemde sal mnr Paul Eksteen graag met alle graad 8-ouers van koshuisgangers wil gesels en dit sal ook plaasvind in die Carel Redelinghuys Sentrum.**
- **U kind sal 'n volledige stel koshuisreëls ontvang na afloop van die Gr. 8 kamp. Ek sal dit dan stelselmatig met hul deurwerk en ruim kans gee vir implementering daarvan. Ons sal ook vir u 'n kopie daarvan gee tydens ons vergadering van 14 Januarie.**
- **U is welkom om u kind na afloop van die Gr. 8 kamp op Dinsdag 16 Januarie by die koshuis te kom besoek of uit te neem. U kan dit vanaf 14:30 tot 17:00 doen. U is onder geen verpligting om dit te doen nie, maar ek weet sommige ouers het die behoefte om met hul kind te gesels voor die hoërskool die volgende dag begin.**
- **U dogter kan die eerste naweek van die skooljaar (19 tot 21 Januarie) huistoe gaan of in die koshuis bly aangesien dit nie 'n verpligte 'inbly' naweek is nie. Ons skool se kleure-atletiekbyeenkoms is juis op Vrydag 19 Januarie en baie ouers verkies dan om die atletiek te kom kyk en daarna hul kind huis toe te neem om oor die wedervaringe van die eerste week te gesels. Die byeenkoms eindig ± 14:00.**

ONTHOU NET ASSEBLIEF OM DIE VOLGENDE ITEMS BESKIKBAAR TE HÊ BY REGISTRASIE OP SONDAG 14 JANUARIE BY HUIS MCFARLANE:

- 3 Goeie slotte (heg 'n kopie van een sleutel van elk van die slotte aan 'n gemerkte houer vir inhandiging).
- Ingevulde Toelatingsbesonderhedeform(sien aangeheg).
- Afskrif van u mediesefonds inligtingskaart.
- X 2 Onlangse gesigsfoto's (ID-tipe) van u kind met haar noemnaam en van agterop albei geskryf

Mag u 'n welverdiende vakansie saam met u gesin geniet. Koester die saamwees, rus goed uit, en mag u vrede en seën in die feestyd ervaar.
Ons sien uit om u dogter as deel van dié besondere Gimfamilie te verwelkom.

Vriendelike groete

Carina Momsen
Superintendent: Huis McFarlane
Sel: 076 237 0000 e-pos: carina@paarlgim.co.za
2017/11/19

❖ **VIND AANGEHEG DIE VOLGENDE DOKUMENTE:**

1. **'N VORM MET BETREKKING TOT U BESONDERHEDE.** VOLTOOI DIT ASSEBLIEF EN BESORG DIT AAN ONS OP 14 JANUARIE 2018.
2. **LYS VAN BENODIGDHEDE** WAT ONS AANBEVEEL U KIND MOET SAAMBRING NA HUIS MCFARLANE.
3. LYS VAN **WASGOEDNOMMERS VIR DOGTERS.**
4. 'N **VERWELKOMINGSBRIEF** VAN 2018 SE KOSHUISHOOFLEIERS.
5. FOTO'S VAN 2018 SE **HUISKOMITEE.**
6. "N **CV BLAD** WAT VOLLEDIG DEUR ELKE GR 8 LEERDER VAN 2018 INGEVUL MOET WORD. DIE KOSHUISHOOFLEIERS SAL DIT TYDENS DIE GR 8 KAMP OPNEEM.
7. 'N **LYS VAN BENODIGDHEDE** VIR DIE VERWELKOMINGSPROGRAM VAN DIE EERSTE PAAR WEKE BY DIE **KOSHUIS** SOOS AANGEVRA DEUR 2018 SE KOSHUISHOOFLEIERS. LOS HIERDIE GOEDJIES IN JOU KAS BY DIE KOSHUIS EN MOENIE DIT SAAMVAT NA DIE GR. 8 KAMP OP 8 JANUARIE NIE.



Leerder:

Van: _____ Noemnaam: _____ Tel:(Sel) _____

Doopname: _____

IDnr: _____ Geslag: _____

Vader: Naam en Van: _____

IDnr: _____

Woonadres: _____

Tel:(H) _____ (Sel) _____

(W) _____ (E-Pos) _____

Moeder: Naam en Van: _____

IDnr: _____

Woonadres: _____

Tel:(H) _____ (Sel) _____

(W) _____ (E-Pos) _____

Mediese Inligting: Naam van fonds: _____

Hooflid: _____

Mediese fondsnr: _____ Plan/Opsie: _____

Allergieë of Mediese Toestand waarvan ons kennis moet neem:

Name van Broers/Susters in Gim: _____

Kontaknommers en Name van familie/vriende in die omgewing:

**** HEG ASSEBLIEF 'N AFSCRIF VAN U MEDISEFONDS INLIGTINGSKAART AAN ****



LYS VAN BENODIGDHEDE

1. Beddegoed vir 'n enkelbed
 - 1.1 2 Lakens
 - 1.2 2 Duvetoortreksels
 - 1.3 1 Duvet
 - 1.4 2 of 4 Kussingslope
 - 1.5 1 of 2 Kussings

2. In die winter – ekstra kombes en warmwatersak (elektriese kombes nie toelaatbaar)

3. Toiletware in 'n toiletsakkie

4. 2 Handdoeke

5. Medisynetassie: (ons as koshuis/personeel mag geen medisyne verskaf nie) Leerders moet ook daarop let dat die oor en weer gebruik van medikasie tussen leerders TOTAAL afgekeur word in opdrag van die WKOD en in ooreenstemming met die Wet op Veiligheid en Gesondheid en die Wet op die Verspreiding van Medikasie.
 - 5.1 iets vir naarheid/braking,
 - 5.2 pyn/koors,
 - 5.3 ligte verkoue,
 - 5.4 diarree,
 - 5.5 sinus,
 - 5.6 hooikoors (anti-histamien).
 - 5.7 pakkie pleisters
 - 5.8 bactroban salf
 - 5.9 ontsmettingsmiddel
 - 5.10 watte

6. Eetgerei: (dit is wanneer inwoners vir hulle self iets wil maak om te eet/drink)
 - 6.1 beker
 - 6.2 mes
 - 6.3 vurk
 - 6.4 bordjie
 - 6.5 lepel

7. Eetgoedjies (daar is wel 'n snoepie beskikbaar)

8. Drinkgoed (yskas beskikbaar)

10. Waaier/verwarmer (volgens spesifikasie sien koshuisbrief) opsioneel



WASGOEDNOMMERS

NAAM	NOMMER	NAAM	NOMMER
Barnard, Lané	181	Pelser, Renet	332
Beeslaar, Sumarie	182	Pretorius, Anke	335
Bornman, Sharné	184	Roux, Sumieké	351
Boshoff, Nicola	188	Snyman, Linda	354
Bosman, Thorina	189	Swart, Nina	361
Botha, Talita	190	Thomas, Nicola	365
Claassen, Danielle	191	Truter, Anel	373
Claassen, Nadia	192	Truter, Charlese	375
Crouse, Lana	201	Van Wyk, Andrea	376
De Wet, Carla	210	Van Zyl, Mia	377
Deetlefs, Anke	217	Viljoen, Catherien	378
Engelbrecht, Lizan	219	Wilson, Zané	379
Engelbrecht, Minke	222	Woudstra, Anja	405
Etzebeth, Lara	228	Theron, Danelle	406
Greyling, Zahn	235	Kriegler, Joanica	407
Grobbelaar, Roosje	236	Van Zyl, Talitha	408
Heerschap, Anique	242	De Goede, Anel	409
Jacobs, Alisa	269	Pienaar, Cari	416
Korff, Chenique	275		
Kriel, Dani-Elle	280		
Le Roux, Rita	290		
Louw, Nauline	299		
Louw, Jana	303		
Lubbe, Dané	310		
Moller, Lesley	318		
Nel, Karli	328		
Nortier, Sazkia	330		

Geagte ouers

Paarl Gimnasium vier in 2018 sy 160^{ste} jaar van trots, respek, tradisie en uitnemende Gimmies. Baie geluk met u kind se aanvaarding tot die skool en ook die koshuis, die hartklop van die skool. Ons weet dat dit 'n besonderse vyf jaar gaan wees wat voorlê.

"A ship is always safe at shore, but that is not what it's built for." – Albert Einstein
Ons weet uit eie ervaring uit dat dit nie maklik is vir ouers om te besluit om hul kinders weg van die huis af te stuur nie. Dis egter 'n besluit wat 'n langpad stap in die vorming van u kind en kan ook 'n reuse impak op sy lewe hê.

Die waarde wat die koshuis tot ons lewe gevoeg het is ondenkbaar en moeilik om te verwoord. Nietemin het die koshuis ons regtig gevorm tot die persoon wat ons vandag is.

Hierdie is 'n opwindende tydperk wat in u kind se lewe voorlê en sy gaan u ondersteuning en liefde baie nodig hê. Ons deur staan altyd oop vir u kind en ons is gewillig om te help waar ons kan. Ons wil u aanmoedig om u volle vertroue in ons, as hoofleiers, die huiskomitee sowel as die dienspersoneel te plaas om uit ons pad uit te gaan om te verseker dat u kind gelukkig is. Dis nie altyd maklik om aan te pas nie maar ek glo en vertrou dat elkeen mettertyd sy plekkie in die sisteem sal vind.

In 2018 is dit ons werk om 'n saadjie in u kind se lewe te plant. Een wat baie herinneringe staaltjies en vriendskappe gaan oplewer. In Jeremia 29:11 staan die volgende, " Ek weet wat ek vir julle beplan, sê die Here: voorspoed en nie teespoed nie; Ek wil vir julle 'n toekoms gee, 'n verwagting!" Met die hoop sien ek uit vir die nuwe generasie Gimmies wat vanaf volgende jaar met 'n baie opwindende reis begin.

Groetnis
Tiaan & Lara

Liewe Miggie

Eerstens, baie geluk met jou aanvaarding tot die koshuis en ook om Paarl Gimnasium as jou Hoërskool te kies. Jy het beslis nie 'n fout gemaak nie. Daar lê 5 wonderlike jare vol herinneringe, opwinding en spesiale oomblikke vir jou voor en ons is baie bly dat jy dit met ons wil deel.

Ek is seker dat jou maag al teen hierdie tyd 'n bietjie draai van opgewondenheid en ook selfs stres, maar daar is niks om jou oor te bekommer nie. Hierdie tydperk wat jy nou gaan betree is die tye wat jy vir altyd sal onthou.

Om deel te wees van so wonderlike skool en koshuis, is sowaar iets om op trots te wees en ook 'n groot voorreg. Huis McFarlane is nie sommer net enige koshuis nie, dit is jou HUIS vir die volgende jaar. Hier gaan jy lewenslange vriende en vriendinne ontmoet en verhoudings bou met 'n diverse verskeidenheid mense. Hier werk elkeen ook saam. Die woorde "Ons werk saam, want ons glo in mekaar" is woorde wat



jy baie gaan hoor in jou Gr.8-jaar. Onthou hierdie woorde. Dit gaan die pad vorentoe net soveel makliker maak.

Geniet elke sekonde van jou tyd in die skool – die tyd vlieg regtig! Mag jy in jou tyd hier by ons net goeie vriende maak en met mooi herinneringe uitstap.

Onthou ons deur staan altyd oop vir enige vrae of selfs net 'n bietjie raad. Ons, as Huiskomitee, is egter daar om julle te help.

Ons sien uit om jou te ontmoet.

Geniet die laaste gedeelte van die vakansie en rus lekker uit.



Tiaan Visser

*Gimmiegroete
Koshuis hoofleiers*



Lara Horne



HUISKOMITEELEDE 2018



Hoofdogter
Lara Horne



Onderhoofdogter
Janke Siebrits



Addisionele Lid
Carina Nel



Janke Coetzee



Nina Cuyler



Lynn-mari du Plessis



Jeanne Dykmann



Anneke Fourie



Lené Geldenhuys



Nika Greyling



Emma Kotze



Danél Lambrechts



Ida-mari Lategan



Nadene Prinsloo



Teneke Viljoen





Hoofseun
Tiaan Visser



Onderhoofseun
Franco Boonzaaier



Addisionele Lid
Dean Nieuwoudt



Bernard Basson



Christoff Botha



Rikus Brand



Mark Etsebeth



Rikus Groenewald



Van Eeden Hanekom



Charl Janson



Dehan Marais



Jean-Jacques Rossouw



Pierich Siebert



Rikus Schreuder



CV


Naam: _____

Van: _____

Woondorp: _____

Geboortedatum: _____

Deelname en betrokkenheid in vorige skool:



Leierskap: _____

Sport: _____

Akademie: _____

Kultuur: _____

Meer oor jouself:

Belangstellings:

Prestasies:

Wat wil jy in Gim bereik:

Hoekom het jy Gim gekies:

Karaktereienskappe:

Verwagting vir hierdie jaar:



LYS VAN BENODIGDHEDE vir die verwelkomingsprogram van die eerste paar weke by die koshuis:

ITEMS MET 'N @ GEMERK MOET JY SAAMVAT NA DIE GR 8 KAMP OP SONDAG 14 JANUARIE; DIE RES MOET JY BY DIE KOSHUIS IN JOU KAS LOS.

- Volledig ingevulde CV (sien hierbo)
- Wit t-hemp (goedkoop, sonder kraag)
- Swart 'permanent marker'
- 1 Swartsak
- 2x A4 kartonne
- 5 haarrekkies (meisies)
- Dummy
- Swart lint (60 cm)
- Oefenklere en -tekkies
- Sirkusklere (wees kreatief, goedkoop)
- Warm klere (Alaska-dag)
- Klink-en-klank (enige items wat 'n geraas maak)

